



RESOLUCIÓN DE ALCALDÍA

Expediente núm.: 142/2026

Resolución con número e data establecidos á marxe

Procedemento: Seleccións de Persoal e Provisións de Postos

Asunto do Expediente: Selección de 20 alumnos/traballadores para o Obradoiro dual de emprego Vía König VII

FEITOS E FUNDAMENTOS DE DEREITO

Primeiro.- Vista a resolución da Consellería de Emprego, Comercio e Emigración ao abeiro da Orde do 14 de novembro de 2025 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se convocan para o ano 2026 (código de procedemento TR353A).

Segundo.- Vista a necesidade deste Concello de contratar a vinte alumnos/as-traballadores/as con carácter temporal, e réxime de dereito laboral e a xornada completa coa modalidade de contrato de formación e aprendizaxe.

Terceiro.- Á vista das bases reguladoras das probas selectivas para a provisión dos postos indicados e que se adxuntan ao presente documento.

En virtude das atribucións que confire a lexislación vixente concretada no artigo 21 da Lei 7/1985, de 2 de abril, de Bases de Réxime Local e no artigo 61 da Lei 5/1997, de 22 de xullo, de Administración Local de Galicia

Vista a proposta de resolución PR/2026/70 de 28 de abril de 2026 fiscalizada favorablemente con data de 28 de abril de 2026.

RESOLUCIÓN

Primeiro.- Convocar vinte prazas de alumnos/as traballadores/as mediante concurso-oposición, en réxime de persoal laboral temporal, durante un prazo máximo de 9 meses, a xornada completa, segundo a modalidade de contrato de formación e aprendizaxe, conforme ao previsto no Estatuto dos traballadores e a orde reguladora da axuda e segundo o artigo correspondente da Orde do 14 de novembro de 2025.

Segundo.- Autorizar o gasto en contía de 276.588,60 euros, a que ascenden as retribucións correspondentes ás prazas obxecto da convocatoria, con cargo as seguintes aplicación orzamentarias:

Aplicación Orzamentaria	Importe

Concello de As Nogais

C/ Rosalía de Castro, s/n, As Nogais. 27677 (Lugo). Tfno. 982364092. Fax: 982364150





241.13100	248.640,00
241.16000	27.948,60
Importe Total	276.588,60

Terceiro.- Aprobar as bases e a convocatoria para a contratación mediante concurso-oposición en réxime de persoal laboral temporal, durante un prazo de 9 meses, a xornada completa, segundo a modalidade de contrato de formación e aprendizaxe conforme ao previsto no Estatuto de traballadores e ao abeiro da Orde do 14 de novembro de 2025 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se convocan para o ano 2026. (DOG nº 228, do 25 de novembro de 2025).

Cuarto.- Publicar o anuncio da convocatoria e o texto íntegro das bases reguladoras das probas selectivas no taboleiro de anuncios do Concello para maior difusión e remitilas á Oficina de Emprego de Becerreá, de acordo co establecido na citada Orde.

Quinto.- Expirado o prazo de presentación de solicitudes de admisión nas probas de selección, aprobar a relación provisional de aspirantes admitidos e excluídos, e publicar a relación na sede electrónica deste Concello, outorgando aos aspirantes excluídos un prazo de dous días hábiles, a partir da publicación do anuncio para formular reclamación ou emendar os defectos que motiven a súa exclusión.

En As Nogais, na data da sinatura indicada á marxe. O Alcalde-Presidente, Jesús Manuel Núñez Díaz

Asina o órgano de Secretaría conforme ao proceso automatizado aprobado no expediente 86/2022 mediante o decreto da alcaldía número 2022-0086, coa finalidade da súa transcripción ao Libro de Resolucións, aos efectos de garantir a súa integridade e autenticidade.

DOCUMENTO ASINADO ELECTRONICAMENTE





BASES QUE REXERAN A CONVOCATORIA PARA A CONTRATACIÓN DE 20 ALUMNOS/AS-TRABALLADORES/AS OBRADOIRO DUAL DE EMPREGO “ VÍA KÜNIG VII” CONCELLOS DE AS NOGAIS-BARALLA-BECERREÁ, PERSOAL LABORAL TEMPORAL, EN APLICACIÓN DA AXUDA OTORGADA POLA CONSELLERÍA DE EMPREGO, COMERCIO E EMIGRACIÓN, AO ABEIRO DA ORDE DO 14 DE NOVEMBRO DE 2025, POLA QUE SE ESTABLECEN AS BASES QUE REGULAN AS AXUDAS E SUBVENCIÓNS PARA OBRADOIROS DUAIS DE EMPREGO DA COMUNIDADE AUTÓNOMA DE GALICIA.

1.- OBXECTO DA CONVOCATORIA.-

Constitúe o obxecto da convocatoria a provisión temporal en réxime laboral de 20 ALUMNOS/AS-TRABALLADORES/AS do OBRADOIRO DUAL DE EMPREGO “VÍA KÜNIG VII. CONCELLOS DE AS NOGAIS-BARALLA -BECERREÁ”.

A contratación está subvencionada pola Consellería de Emprego, Comercio e Emigración ao abeiro da Orde do 14 de novembro de 2025 pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se convocan para o ano 2026. (DOG nº 228, do 25 de novembro de 2025)

Ocupación	Nº de postos	Servizo	Duración da Contratación
ALUMNOS/AS-TRABALLADORES/AS	20	Obradoiro dual de emprego “Vía Künig VII” Concellos de As Nogais-Baralla Becerreá	9 Meses

A selección dos traballadores será mediante a presentación de oferta de emprego no Servizo Público de Emprego, segundo o establecido no artigo 10 da Orde do 14 de novembro de 2025 e na Circular de instrucións da Dirección Xeral de Formación e Cualificación para o Emprego de data 17/04/2026.

Formalizarase co persoal seleccionado un contrato mediante a modalidade de contrato (421-Formación), conforme o previsto no Estatuto dos Traballadores e a Orde reguladora da axuda e segundo o artigo correspondente da Orde do 14 de novembro de 2025.

2.- MODALIDADE DO CONTRATO.-

A modalidade do contrato de traballo temporal é de **formación e aprendizaxe** coas cláusulas específicas do programa de Obradoiros Duais de Emprego, segundo o establecido no artigo 10 da Orde de referencia da Consellería de Emprego, Comercio e Emigración.

Os contratos de traballo terán carácter temporal, cunha duración de nove meses e serán a xornada completa.

De conformidade co establecido na Orde do 14 de novembro de 2025 da Consellería de Emprego, Comercio e Emigración, non é aplicable a este proceso selectivo a normativa establecida para os procedementos de selección de persoal das distintas administracións públicas, aínda que a





entidade promotora sexa un organismo público. Os alumnos/as-traballador/es seleccionados non se considerarán incluídos nos correspondentes cadros de persoal ou relacións de postos de traballo, e consecuentemente, non será precisa oferta de emprego pública previa.

3.- REQUISITOS DOS ASPIRANTES.-

Para ser admitidas/os no proceso selectivo, as/os aspirantes deberán reunir os seguintes requisitos: En cumprimento do establecido na Orde reguladora das axudas, o persoal seleccionárase entre o preseleccionado polo Servizo Público de Emprego, segundo a oferta presentada ao afecto polo Concello de As Nogais. As persoas candidatas serán remitidas á entidade beneficiaria co fin de que esta realice a selección definitiva en función do artigo 10 da devandita orde da Consellería de Emprego, Comercio e Emigración

Ocupación
Alumno/a traballador/a

Requisitos específicos:

As persoas interesadas en participar no proceso selectivo deberán reunir os seguintes requisitos:

- Ter cumpridos dezaioito anos.
- Estar desempregadas, entendéndose nesta situación ás persoas demandantes de emprego inscritas no Servizo Público de Emprego de Galicia, que carezan de ocupación remunerada e estean dispoñibles para o emprego. Este requisito deberá de manterse na súa data de incorporación ao proxecto.
- Cumprir os requisitos establecidos na normativa reguladora do contrato para a formación e aprendizaxe, co obxecto de ter vinculación mediante un contrato de tales características ao obradoiro dual de emprego, desde a súa incorporación ao proxecto, en aplicación do previsto nos artigos 2 e 5 desta orde de convocatoria.
- Cando a formación a impartir no proxecto vaia dirixida á obtención de certificados de profesionalidade de nivel de cualificación 2 ou 3, cumprir cos requisitos de acceso sinalados nos reais decretos que regulan ditos certificados. **En concreto en neste caso para acceder á formación dos módulos formativos do certificado de profesionalidade do nivel de cualificación profesional 2, os alumnos deberán cumprir algún dos seguintes requisitos:**

a) Estar en posesión del Título de Graduado en Educación Secundaria Obrigatoria

b) Estar en posesión dun certificado de profesionalidade do mesmo nivel do módulo o módulos formativos e/o do certificado de profesionalidade al que desexa acceder.

c) Estar en posesión dun certificado de profesionalidade de nivel 1 da mesma familia.





d) Cumprir o requisito académico de acceso aos ciclos formativos de grado medio para el nivel 2 , ou ter superadas as correspondentes probas de acceso reguladas polas administracións educativas.

- Non padecer enfermidade ou defecto físico que impida o normal desempeño das funcións que corresponden ao posto convocado, estando en condicións de incorporarse ao mesmo na data de inicio do proxecto formativo.

En todo caso, as persoas interesadas deberán posuír os ditos requisitos ou estar en condicións de obtelos na data en que se leve a cabo a sondaxe pola oficina de emprego.

Neste caso correspóndelle tramitar as ofertas a Oficina de Emprego de Becerreá (Lugo).

- EOCB0210: Revestimentos con pastas e morteiros en construción

4.- CAUSAS DE EXCLUSIÓN:

Non cumprir os requisitos exixidos nestas bases e na orde de convocatoria, no momento da súa incorporación ao obradoiro dual de emprego.

Non presentarse a entrevista co tribunal de selección, na data e hora sinaladas nestas bases.

5.- OFERTA DE ACTIVIDADE.

Unha vez aprobados os criterios de selección das persoas alumnas/os traballadoras/es que van participar no obradoiro dual de emprego, presentaranse ofertas de emprego, en función das especialidades formativas que se van a impartir e do concello no que están localizadas as actuacións previstas no proxecto de obradoiro, definindo nas mesmas os parámetros de sondaxe. Neste caso correspondéndolle tramitar as ofertas á oficina de emprego de Becerreá.

OFERTA 1

- **Ámbito xeográfico:** Baralla.
- **Número de persoas alumnas-traballadoras:** 7
- **Especialidade formativa a cursar:** EOCB0210_Revestimentos con pastas e morteiros en construción. NIVEL 2
- **Ocupacións ou postos de traballo relacionados:** Albaneis e peóns da construción.
- **Nivel profesional:** ata oficial de 2ª inclusive
- **Requisitos:** reunir os requisitos sinalados no Real decreto que regula o certificado de profesionalidade e os demais esixidos nestas bases.





OFERTA 2

- **Ámbito xeográfico:**As Nogais.
- **Número de persoas alumnas-traballadoras:** 6
- **Especialidade formativa a cursar:** EOCB0210_Revestimentos con pastas e morteiros en construción. NIVEL 2
- **Ocupacións ou postos de traballo relacionados:** Albaneis e peóns da construción.
- **Nivel profesional:** ata oficial de 2ª inclusive
- **Requisitos:** reunir os requisitos sinalados no Real decreto que regula o certificado de profesionalidade e os demais esixidos nestas bases.

OFERTA 3

- **Ámbito xeográfico:**Becerreá
- **Número de persoas alumnas-traballadoras:** 7
- **Especialidade formativa a cursar:** EOCB0210_Revestimentos con pastas e morteiros en construción. NIVEL 2
- **Ocupacións ou postos de traballo relacionados:** Albaneis e peóns da construción.
- **Nivel profesional:** ata oficial de 2ª inclusive
- **Requisitos:** reunir os requisitos sinalados no Real decreto que regula o certificado de profesionalidade e os demais esixidos nestas bases.

6.- FORMA E PRAZO DE PRESENTACIÓN .

A selección do persoal a contratar levarase a cabo da forma prevista no artigo 10 da Orde do 14 de novembro de 2025, polo que se formulará oferta de emprego no Servizo Público de Emprego de Galicia.

Os candidatos/as deberán figurar na lista remitida polo Servizo Público de Emprego de Galicia, en contestación a correspondente oferta. Unha vez remitida polo Servizo Público de Emprego de Galicia, publicarase a correspondente lista aos efectos que legalmente preceda, tanto no Taboleiro de Anuncios do Concello de As Nogais e na páxina web (www.concelloasnogais.es).





As bases íntegras e a convocatoria publicaranse no Taboleiro de Anuncios do Concello de As Nogais e na páxina web (www.concelloasnogais.es).

Os/as candidatos/as desempregados/as deberán presentar no Rexistro do Concello de As Nogais a documentación sinalada nas presentes bases (orixinais ou fotocopias cotexadas), xunto co Anexo I-Modelo de solicitude, ata as 14 horas do día 7 de maio de 2026 .

Non serán valorados aqueles méritos que non queden debidamente acreditados.

7.- ÓRGANO DE SELECCIÓN .

O tribunal cualificador encargado da valoración dos méritos, así como da entrevista para a provisión dos 20 postos para alumnos/as – traballadores/as do OBRADOIRO DUAL DE EMPREGO “ VÍA KÜNIG VII” CONCELLOS DE AS NOGAIS- BARALLA– BECERREÁ, estará composto por:

Presidente: D Alberto Gallego Becerra (AEDL Baralla)

Vogais: D. Julio Lopez Veiga (Trabador social As Nogais), D^a Maria Isabel Fernandez Blanco (Funcionaria Concello Baralla), D^a. María José Espin Fontal (AEDL Triacastela)

Secretaria: D^a Ana Belen Alba Gonzalez (AEDL As Nogais).

Suplente do Presidente: D^a María Carmen Díaz Fernández (AEDL Castroverde)

Suplentes dos vogais , D. José Luis López Moure (Funcionario Samos) Dona Monica Engroba Pulido (Asistente social Baralla) D^a. M^a del Pilar Pérez López (Becerreá)

Suplente do Secretario: D^a Ana Fernández Reija (Funcionaria O Corgo)

A selección terá lugar o vindeiro día 13 de maio de 2026 as 09:30 horas no Centro Socio Cultural do Concello de As Nogais

- ás **09:30 horas** para persoas alumnas traballadoras do módulo EOCB0210_Revestimentos con pastas e morteiros en construción de **As Nogais**
- ás **10:30 horas** para persoas alumnas traballadoras do módulo EOCB0210_Revestimentos con pastas e morteiros en construción de **Baralla**
- ás **11:45 horas** para persoas alumnas traballadoras do módulo EOCB0210_Revestimentos con pastas e morteiros en construción de **Becerreá**

O Tribunal cualificador non poderá constituirse nin actuar sen a asistencia de ao menos tres dos seus membros. Terán dereito ao cobro das asistencias establecidas pola lexislación vixente. Os membros do Tribunal Cualificador deberán absterse de intervir cando conorra algunha das causas presentes na vixente lexislación.

Os membros do Tribunal Cualificador valorarán a entrevista a realizar polos/as demandantes de emprego, así como os méritos debidamente xustificadas polos solicitantes. Quedan facultados para resolver as dúbidas que se lles presenten e tomar os acordos precisos para o desenvolvemento





correcto do proceso de selección. Tolo elo sen prexuízo do que poida dispoñer ao respecto o propio órgano de selección, que velará polo cumprimento dos principios de obxectividade na selección, mérito e capacidade, así como os aspectos aos que fai referencia a orde reguladora das axudas.

8.- PROCEDIMIENTO DE SELECCIÓN.-

As actividades selectivas terán por finalidade determinar a adecuación das persoas candidatas aos postos de traballo ofertado e consistirán na celebración dunha entrevista persoal e unha valoración de méritos.

a) ENTREVISTA 14 puntos

O Tribunal en primeiro lugar celebrará unha entrevista persoal co obxectivo de avaliar o interese da persoa candidata en participar no proxecto e as súas aptitudes e capacidades, tanto as de carácter xeral coma as relativas á súa adecuación ás singularidades do proxecto formativo, entrevista que se valorará cun máximo de **14 puntos**.

Unha vez rematadas todas as entrevistas, faranse públicas as puntuacións no mesmo local en que tiveron lugar as mesmas.

Os aspirantes serán convocados para esta entrevista nun único chamamento, sendo excluídos do proceso de selección os que non comparecesen, salvo casos de forza maior debidamente xustificadas e discrecionalmente apreciados polo tribunal. As razóns ou probas xustificativas da ausencia formularanse e, no seu caso, presentaranse dentro das 24 horas seguintes á celebración desta entrevista.

Finalizado o proceso de selección, o Tribunal avaliador procederá ao establecemento das puntuacións finais das persoas candidatas que teñan participado no proceso de cobertura da oferta de emprego; puntuacións que virán dadas pola suma dos puntos acadados na valoración de méritos e na entrevista persoal e determinarán a orde de prelación das persoas candidatas para a súa ulterior contratación pola entidade promotora. Prepararán a relación das persoas admitidas e excluídas para participar como alumnos/as traballadores/as no obradoiro de emprego, sinalando neste último suposto os motivos da exclusión, facendo constar para cada un deles a puntuación total e a/as especialidade/s formativas ás que son adscritos.

Esta relación será exposta no taboleiro de anuncios da entidade promotora e na súa páxina web, así como nos taboleiros de anuncios das oficinas de emprego.

b) MERITOS 26 puntos

A continuación terá lugar a baremación de méritos obxectivos. A tal fin, e de conformidade co previsto nas bases, os candidatos/as deberán comparecer provistos da documentación que acredite os seus méritos, co obxecto de sexa avaliada polo tribunal.





Os méritos serán valorados en base os criterios establecidos no ANEXO II:

BAREMACIÓN de estas bases. A puntuación total máxima que se poderá acadar na dita valoración de méritos é de **26 puntos**.

O Tribunal de selección determinará a lista provisional de aprobados e a orde provisional, que será publicada no taboleiro de anuncios do Concello de As Nogais e na páxina web (www.concelloasnogais.es) a efectos de posibles reclamacións durante un periodo de dous días naturais, que serán resoltas polo tribunal.

9.- LISTA DE APROBADOS.-

Rematada a fase anterior o Tribunal publicará no Taboleiro de Anuncios e na páxina web do Concello de As Nogais (www.concelloasnogais.es) a lista definitiva por orde de puntuación obtida (suma da entrevista persoal e a valoración de méritos).

No caso de empate, os criterios para dirimir os posibles empates entre as puntuacións obtidas por dúas ou máis persoas candidatas en cada unha das fases do proceso selectivo, así como nas puntuacións finais, son por orde de prelación:

- - Maior tempo como desempleado.
- - A persoa de maior idade.

O Tribunal cualificador, coa finalidade de suplir as posibles baixas das persoas seleccionadas como alumnas traballadoras, poderá elaborar unha lista de reserva que estará integrada polas persoas candidatas que, non sendo seleccionadas, obtiveran as maiores puntuacións. En caso de esgotarse realizaríase novamente oferta na oficina de emprego.

Esta listaxe de reserva terá vixencia mentres sexa posible substituír ao alumno/a traballador/a.

O tribunal asinará a Acta de todo o actuado, por duplicado exemplar, e remitirá un exemplar á entidade promotora para o seu cumprimento e outro á xefatura territorial.

10.- SELECCIÓN E NOMEAMENTO.-

Tendo en conta as especiais características do posto e a súa temporalidade, polo órgano de selección levantarase a correspondente acta e publicarase edicto no taboleiro de anuncios do Concello e na páxina web (www.concelloasnogais.es), no que se ordenarán os candidatos por orde de puntuación obtida. Elevarase proposta ao Sr. Alcalde-Presidente, que procederá a ditar resolución ao respecto e a formalización dos contratos laborais, conforme ao previsto na vixente lexislación.





11.- DISPOSICIÓN FINAL.-

O tribunal está facultado para resolver as dúbidas e incidencias que se presenten, así como para adoptar os acordos necesarios para o bo desenvolvemento do proceso selectivo, en todo aquilo non previsto nestas bases.

Así mesmo a xurisdición competente para resolver as controversias en relación cos efectos e resolución do contrato será a xurisdición social.

As presentes bases e convocatoria poderán ser impugnadas, de conformidade con establecido na Lei 39/2015, do procedemento administrativo común.

Contra a convocatoria e as súas bases, que esgotan a vía administrativa, pode interpoñer, alternativamente, ou un recurso potestativo de reposición no prazo dun mes contado dende o día seguinte ao de publicación do anuncio no taboleiro de anuncios do Concello de As Nogais e na páxina web (www.concelloasnogais.es) ante o Alcalde do Concello de As Nogais, de conformidade co disposto na Lei 39/2015 de Procedemento Administrativo Común das Administracións Públicas, ou recurso contencioso-administrativo ante o Xulgado do Contencioso-Administrativo de Lugo, no prazo de dous meses contados dende o día seguinte ao de publicación do anuncio no taboleiro de anuncios do Concello de As Nogais e na súa páxina web (www.concelloasnogais.es) de conformidade co artigo 46 da Lei 29/1998, de 13 de xullo, da xurisdición contencioso-administrativa. Se optase por interpoñer un recurso potestativo de reposición non poderá interpoñer o recurso contencioso-administrativo ata que aquel sexa resolto expresamente ou se produza a súa desestimación por silencio. Todo isto sen prexuízo de que poida interpoñer calquera outro que puidese considerar mais conveniente para o seu dereito.

Tocante ao previsto nas bases, será de aplicación a Lei 7/1985, de 2 de abril, de bases de réxime local, o Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Emprego Público, o Real Decreto Lexislativo 2/2015 de 23 de outubro, polo que se aproba o texto refundido da Lei do Estatuto dos Traballadores, así como pola restante normativa Estatal ou Autonómica vixente que sexan de aplicación por razón da materia.

En As Nogais, na data da sinatura indicada ao marxe
O Alcalde-Presidente,
Jesús Manuel Nuñez Díaz





ANEXO I - MODELO DE SOLICITUDE

D^a.....con D.N.I.
n^o..... con enderezo (para efectos de notificacións)
na R/.....n^o..... piso.....
C.Postal.....Localidade.....
Municipio.....Provincia.....Teléfono....., correo
electrónico.....

Recibida a oferta da Oficina de Emprego de Becerreá, para participar na selección de persoal para o Obradoiro de Emprego Vía König VII promovido polo Concello de As Nogais e coa participación dos Concellos de Becerreá e Baralla para a contratación laboral temporal a tempo completo de 20 prazas de ALUMNOS/AS -TRABALLADORES do Obradoiro de Emprego.

DECLARO BAIXO A MIÑA RESPONSABILIDADE.

PRIMEIRO.- Que coñezo na súa integridade as bases que rexen a convocatoria e que reúno todas as condicións esixidas polas mesmas para participar neste proceso selectivo.

SEGUNDO.- Que non estou afectado/a por ningún dos motivos de incompatibilidade recollidos na lexislación vixente sobre incompatibilidades do persoal ao servizo das administracións públicas, que non padezo enfermidade ou defecto físico/psíquico, que me impida o desempeño das funcións ou tarefas correspondentes á praza á que opto e que non estou separado/a, mediante expediente disciplinario do servizo ó Estado, ás Comunidades Autónomas ou ás Entidades Locais, nin inhabilitado para o exercicio das funcións públicas.

TERCEIRO.- Que autorizo ó Concello do As Nogais para a publicación dos meus datos persoais (nome, apelidos e D.N.I.) e das posibles causas de exclusión, no taboleiro de anuncios do concello e calquera outro medio que se estime, ao ser a publicidade un dos principios legais que debe observarse nos procedementos de selección.

Polo exposto **SOLICITO** rexistar a documentación seguinte para a valoración de méritos:
(TACHAR O QUE PROCEDA)

- Fotocopia do DNI, pasaporte ou tarxeta de residencia
- Fotocopia da Tarxeta de demandante de emprego
- Prestación de desemprego (certificación ou resolución do Servizo Público de Emprego Estatal, ou calquera outro válido en dereito que acredite esta circunstancia).
- Tempo de inscrición como demandante de emprego.- Certificado períodos de inscrición.






- Categoría Profesional no traballo .-Xustificante da Vida Laboral.
- Pertenza a colectivos desfavorecidos ou en risco de exclusión social.- Xustificación: certificado dos servizos sociais do concello ou entidade local respectiva ou do Servizo de Prestacións, Inclusión e Inmigración, da Consellería de Política Social).
- Formación académica: Xustificación: Título académico, certificación académica ou calquera outro documento válido en dereito que acredite esta circunstancia.
- Responsabilidades familiares/Unidade familiar de convivencia. Xustificación: libro de familia ou certificado de convivencia do Concello ou calquera outro documento válido en dereito.
- Outros: (especificar)
-
-

....., de.....de 2026
O/A solicitante,

Asdo.:



SR. ALCALDE-PRESIDENTE DO CONCELLO DE AS NOGAIS

Os datos facilitados serán tratados nos ficheiros de datos dos expedientes e procedementos titularidade do CONCELLO DE AS NOGAIS para o exercicio das función e competencias atribuídas ó CONCELLO DE AS NOGAIS na lexislación vixente. Os INTERESADOS poderán exercer os dereitos establecidos na Lei Orgánica 15/1999 de 13 de decembro de protección de datos de carácter persoal, coas limitacións establecidas legalmente, ó tratarse de datos que obran nos expedientes e procedementos que xestiona a Administración Pública Municipal, no Rexistro Xeral do Concello, na dirección Rosalía de Castro, s/n - 27677 - As Nogais (Lugo)





ANEXO II. BAREMACIÓN.

	PUNTO
1. MULLERES	
MULLERES VICTIMAS DE VIOLENCIA DE XENERO	
MULLERES NON PUNTUADAS NO APARTADO ANTERIOR	
2. IDADE	
18-29	
30-44	
45 ou máis	
3. DISCAPACIDADE	
MINUSVALIA >=33%	
4. PROTECCIÓN DE DESEMPREGO	
PERCEPTORES DE DESEMPREGO	
PERCEPTORES DE SUBSIDIOS RAI SED	
NON PERCEPTORES	
5. TEMPO DE DESEMPREGO DENDE O ÚLTIMO TRABALLO (sg. Vida laboral)	
de 0 a 12 meses	
De 12 a 18 meses	
máis de 18 meses	
6. PARTICIPACIÓN EN OUTROS OBRADOIROS OU PROGRAMAS DE EMPREGO (independentemente de telo superado ou non)	





Non ter participado nas ultimas 5 convocatorias	
7. PERTENZA A COLECTIVOS DESFAVORECIDOS OU EN RISCO EXCLUSIÓN SOCIAL	
RISGA	
8. FORMACIÓN ACADÉMICA	
SIN ESTUDIOS OU ESTUDIOS PRIMARIOS	
GRADUADO EN ESO	
BACHARELATO/BUP, FP CICLO MEDIO	
TITULOS UNIVERSITARIOS E DE FP CICLO SUPERIOR	
10. OUTROS	
IPI CON ANTERIORIDADE A CONCESIÓN DA SUBVECIÓN DO OBRADOIRO	

Modo de Xustificación:

Prestación de desemprego: Certificación ou resolución do Servizo Público de Emprego Estatal, ou calquera outro válido en dereito que acredite esta circunstancia.

Tempo de inscrición como demandante de emprego: Certificado períodos de inscrición.

Acreditación de experiencia laboral:

- a) Traballadores asalariados: informe de vida laboral expedido pola Administración da Seguridade Social, que se acompañará de fotocopias de contratos ou certificados de empresa, onde se especifique a categoría profesional e o tempo traballado.
- b) Traballadores autónomos ou por conta propia: informe de vida laboral expedido pola Administración da Seguridade Social nos que se especifiquen os períodos de alta na Seguridade Social no réxime especial correspondente e descrición de actividade desenvolvida así como alta no IAE.

Pertenza a colectivos desfavorecidos ou en risco de exclusión social: Certificado dos servizos sociais do concello ou entidade local respectiva ou do Servizo de Prestacións, Inclusión e Inmigración, da Consellería de Política Social.

Formación académica: Título académico, certificación académica ou calquera outro documento válido en dereito que acredite esta circunstancia.

